



**R.P. Petri Leurenii Societatis Jesu, SS. Theologiæ  
Doctoris, & SS. Canonum Professoris Vicarius Episcopalis,  
Sive Tractatus Quaternarius Per Quæstiones & Responsa  
Canonica Deductus**

**Leuren, Peter**

**Coloniae Agrippinae, 1708**

14. Vicarius generalis Episcopi qualiter differat à Suffraganeo.

---

[urn:nbn:de:hbz:466:1-74203](https://nbn-resolving.de/urn:nbn:de:hbz:466:1-74203)

## Cap. I. De Vicarii nomine, definitione,

Secundum quos authores ille non est propriè appellandus Vicarius, qui non gerit vices Episcopi in eodem loco ac tribunal, quo ipse Ordinarius, sed est delegatus. Adeoque licet tales Officiales foranei gerant vices Episcopi in eâ parte Dioecesis, seu in illis actibus, in quibus fuerunt constituti, quia tamen gerunt illas vices non nisi delegati, non erunt propriè Vicarii. Ampliatque hoc ipsum Sbroz, n. 6, ut adhuc vere & propriè Vicarii non sint, et si Episcopus seu ejus Vicarius generalis diceret: facio vos Vicarios in illa parte Dioecesis. Dicendos nihilominus illos largo modo Vicarios Episcopi, cum gerant largo quodam modo vices Episcopi, ait Sbroz, n. 10, quin & (intellige similiter largo modo) dicendos esse Vicarios generales secundum generalitatem causarum vel actuum illis commissorum, at num. 11, de cetero esse illis & dici non nisi delegatos ad universitatem causarum (qualis dicitur omnis, cui omnes causæ alicuius territorij committuntur. Sbroz, l. 1, q. 22, num. 1, secundum Gl. in l. 4, ff. quis & à quo. Felin, in c. causam matrimonii num. 7, de off. delegat.) vel delegatos ad certum genus causarum [qualis dicitur ille, qui est constitutus ad omnes causas certæ speciei, puta fideicommissi, feudi, vel verlantes inter Titium & Cajum. Sbroz, l. c. n. 3,] ait item Sbroz, l. c. à num. 7. Item C. de Luca ad Trident. D. 4, num. 5, ubi: qui pro aliis Dioecesis partibus deputantur, foranei vel speciales delegati dicuntur, quamvis generalis titulus seu nuncupatio, etiam cum aliqua delegatione universitatis causarum ei tributatur; quoniam erit quidem Vicarius foraneus, sed cum aliqua maiore prærogativa & jurisdictione, quam regulariter hujusmodi Vicarii competit.

## Quæstio 12. In quo talis Vicarius foraneus differat à Vicario Generali?

1. **R**espondeo: Differentia inter utrumque, ut fere jam insinuatum, sunt sequentes: Prima, quod Vicarius generalis seu principalis Episcopi sit Ordinarius. Sbroz, l. 1, q. 23, num. 5, citans c. 2, de appellat. in 6, gloss. in c. 1, ordinariam de off. vicar. in 6, & ibid. Host. num. 2. Archid. in c. 2, de confuetud. in 6. Abb. in c. decernimus. num. 12, de Judic. Covar. l. 3, var. resol. c. 20, n. 4, & alios plures: ordinariamque habeat jurisdictionem. Azor, p. 2, l. 3, c. 45, q. 15, in fine. Castrop. tr. 13, d. 2, p. 30, n. 1, censetur item una eademque persona cum Episcopo, faciat idem cum eo auditorium & consistorium. Sbroz, loc. cit. num. 7, juxta c. Romana, de appellation. in 6, & c. 2, de confuetud. in 6. Idemque sit tribunal Vicarii generalis & Episcopi, & hinc a Vicario ad Episcopum non datur appellatio tanquam ab eodem ad seipsum. Engels, ad Tit. 28, de off. Vicar. num. 5. Sbroz, citans Rebuffi, in pr. tit. de Vicar. Episc. num. 6, Bertach. tr. de Episc. tit. de Vicar. Episcopi num. 17, & plures alios juxta cit. c. Romana. Contra Vicarius foraneus non est Ordinarius, sed delegatus. Sbroz, loc. cit. n. 6, & solum jurisdictionem commissam seu delegatam habet. Azor, Castrop. &c. habet separatum tribunal, & ideo ab eo ad Episcopum (aut ad ejus Vicarium generale, ut expresse Sbroz, cit. q. 23, n. 9,) appellatur. Sbroz, ibid. n. 8, citans pluribus. Azor loc. cit. Engels cit. n. 6, qui etiam addit, sic usi quoque receptum, ut ab Archidiaconi ad Episcopum appetetur, & hinc eos recte Vicariis foraneis annumerari. Item n. 7, tradit, in quibus casibus appetetur à Vicario generali ad Episcopum, quem vide. Unde jam etiam ex hoc capite differt Vicarius generalis à Judge delegato ad universitatem causarum, ut potè qui di-

versum tribunal habuit, à quo ad Episcopum datur appellatio. Azor loc. cit. q. 12.

2. Secunda, quod Vicarius generalis sit in dignitate, & hinc habilis, ut sit delegatus & executor causarum Papalium. Engels loc. cit. n. 5. Azor cit. q. 15. Secus est de Vicario foraneo, cum dignitas sit administratio cum jurisdictione & præcedentia, qualis singularis præcedentia non competit Vicario foraneo, adeò, ut nequidem Præpositos Ecclesiastrium collegiarum præcedat, nisi forte de consuetudine pro dignitate habeatur. Engels cit. num. 5.

## Quæstio 13. In quo Vicarius generalis differat à delegato ad universitatem causarum?

**R**espondeo: Differt in eo, quod Vicarius censetur idem Tribunal cum Episcopo, quod non convenit tali delegato, ut potè à quo datur appellatio ad Episcopum. Azor, p. 2, l. 3, c. 45, n. 12.

## Quæstio 14. Vicarius generalis Episcopi qualiter differat à Suffraganeo?

1. **R**espondeo, Suffraganei alii sunt & dicuntur rhodidum tales, qui in Episcopali ordine constituti, & actu carentes propriè Dioecesi assumuntur ab Episcopo dioecesano tanquam Coadjutores & Vicarii ad exercenda in ejus Dioecesi pontificalia. Barbo, Juris Eccles. l. 1, c. 15, n. 7, & ab his differre Vicarium generalem, vel ex hoc ipso patet, quod hi eo ipso jurisdictionem non ordinariam neque delegatam ullam habeant, sed solum exercendi ibidem Pontificalia, quæ potestas non est jurisdictionis. Laym. in c. quoniam de off. Judic. ordinari. num. 2.

2. Dantur & alii Suffraganei vicinius accedentes ad rationem Vicariorum generalium; dum eti in una civitate aut Dioecesi regulariter plures esse nequeant Episcopi, ne una sponsa duos viros, unum corpus duo capita habeat C. de Luca ad Trident. d. 14, n. 22, nil tamen obstat, quod minus dum in una Dioecesi (idem est de amplis quibusdam civitatibus) vigent diversi ritus v. g. latinus & græcus, duo sint Episcopi, unus pro ritu latino, alter pro græco, ita ut duæ illæ personæ materiales pro meliore administratione Ecclesiæ habentis utrumque ritum efforment unam personam formalem seu intellectualem, sicut plures Ecclesiæ materiales sociativo quodam jure concurrere possunt ad efformandam unicam Cathedralem sine unitatis præjudicio: vel ut unus revera sit Episcopus & Ecclesiæ sponsus, ille scilicet ritus latini, alter vero adjutor ac Vicarii potius partes gerat, sicut multi qualificati Præfule in Germania retinent pro Vicariis personas in Episcopali ordine constitutas, præterim Episcopos naturales. C. de Luca cit. n. 22, & 23, sic enim disponitur in Concilio Lateranensi sub Innoc. III. & de hoc est cit. c. quoniam de off. Judic. ordinari. ut ob dictam causam, populorum nimis diversarum linguarum ac rituum in eadem civitate aut Dioecesi degentium catholicum Præfule tanquam Vicarium sibi subiectum constituere possit. Atque talis Suffraganeus seu Vicarius Episcopus secundum Gloss. communiter receptam, V. Vicarium. habet jurisdictionem in Canone ordinariam ac perpetuam Episcopo subordinatam, quemadmodum habent Archidiaconi. In quo jam plurimum differt à Vicario generali, ut potè qui jurisdictionem eandem cum Episcopo habet. Laym. loc. cit. ubi

variis speciebus, constitutione, qualitatibus.

7

ubi etiam addit: ad Sedem Apostolicam pertinebit examinare, num ob aliam similem necessitatis causam opus sit Episcopo perpetuum Vicarium ac Co-episcopum in iurisdictione exercenda subordinatum adjungere; cum id à jure communi exorbitans, & non nisi dispensativè permitti possit, ut notat Gl. in cit. c. quoniam. v. necessitas.

*Questio 15. Qualiter Vicarius generalis differat à Coadjutore Episcopi?*

**R**espondeo: Cum Coadjutor dicatur propriè is, qui Episcopo infirmo, vel senio confecto, aut in quo Administratori adjungitur, ut in officio & administratione coadiuvet. Barbos. *Juris Eccl. l. 1. c. 15. n. 6. juxta c. 1. de Cler. agrot. in decretal. & in 6. & c. grandi de suppl. negl. pralator. in 6.* patet, differre ab illo Vicarium generale in plurimis.

*Questio 16. Qualiter Vicarius generalis Episcopi differat ab Archidiacono?*

**R**espondeo, Tametsi Archidiaconus quoque de jure communi in quibusdam conveniat, Barbos. loc. cit. n. 50. differt tamen ab eo Vicarius generalis in tribus potissimum. Primo, quod ab Archidiacono ad Episcopum appelletur, Barbos. loc. cit. juxta c. Romana. de appellat. Sicut & à sententia Vicarii foranei & alterius inferioris. A Vicario generali verò non nisi ad Episcopi iuperiorem. Laym. in c. ut Archidiaconus de off. Archid. nisi forte consuetudo habeat aliud, ut ait Barbos. loc. cit. Verum hac differentia fundatur in ea, quod Vicarius non solum ordinariam, sed eandem cum Episcopo jurisdictionem, seu idem tribunal habeat; secus ac contingit in Archidiacono, qui et si habeat ordinariam, non tamen eandem jurisdictionem cum Episcopo.

2. Secundò, quod officium Archidiaconi non exspiret per mortem Episcopi; secus sit de officio Vicarii, nisi, ut addit Barbos. esset constitutus cum consefui Capituli. Hæc quoque differentia fundatur in alia, nempe, quod Archidiaconus non ab homine, sed à jure constitutus sit; & jurisdictionem suam habeat, dum ipso jure sit Vicarius Episcopi; cum officium vicariatus ejus dignitati annexum sit, ideoque ei auferri non potest, & sic sit Vicarius natus, intitulatus perpetuus. Vicarius verò sit Vicarius factus (nempe ab Episcopo juxta authoritatem & institutionem Canonum) non intitulatus, ac temporalis, & pro libitu amovibili. Laym. loc. cit. ubi etiam ex Holstien. qualiter iuridictio ordinaria Archidiaconi proveniat directè à lege, indirectè ab homine v. g. ab Episcopo constitutive Archidiaconum. Jurisdictione verò ordinaria Vicarii generalis directè ab homine, nempe Episcopo creante Vicarium, indirectè à lege dante autoritatem instituendi Vicarium. De quo plura infra, ubi de Archidiacono.

3. Tertiò, quod Archidiaconus post Vicarium cum ceteris dignitatibus & Canonicis fedit; Vicarius verò generalis omnibus post Episcopum præferatur. Barbos. verum, ut vides, differentia hæc extrinseca est.

*Questio 17. Qualiter Vicarius generalis differat ab Officiale?*

**R**espondeo primò: Vicarius generalis & Officialis (intellige principalis) idem significant, & in effectu nulla inter eos nisi in nomine ver-

satur differentia. Barbos. loc. cit. n. 12. citans Rimini in rubric. de off. Vicar. num. 113. Covar. l. 3. var. c. 20. n. 45. Mandos. in reg. 14. cancell. q. 6. n. 16. Menoch. conf. 51. num. 38. Item Pirk. ad tit. de off. Vicar. n. 26. Pignat. To. 6. consult. 6. n. 7. Laym. in c. Romana. de off. Vic. in 6. n. 3. citans Sylv. v. Vic. Sanch. de matrim. l. 3. d2. 9. n. 11. Sbroz. de off. Vicar. l. 4. q. 7. uti id colligitur ex Trident. sess. 24. c. 16. Dixi ab Officiali principali; nam quandoque duo sunt in Dioecesi Officialles, unus principalis, qui generatim vices Episcopi gerit, saltem in spiritualibus, alter vero Officialis minus principalis & priori subordinatus, v. c. qui Consistorio Episcopi præfet in certis tantum causis, v. g. in matrimonialibus, decimalibus, &c. Pirk. cit. num. 7. Et patet, hunc Officiale minus principalem, et si simpliciter quoque datur Officialis, non esse eundem cum Vicario generali; quia ei subordinatus est, ejusque iurisdictione delegata. Ex hoc Officialis minus principali loqui videntur autores apud Sbroz. l. 1. q. 7. n. 1. & seq. censeentes esse differentiam inter Officiale & Vicarium, & adducentes pro hoc varios textus, quos lege ibi- dem.

2. Respondeo Secundò. Tametsi igitur Officialis principalis Episcopi & Vicarius generalis idem sint, ex usu tamen & consuetudine tam Datariae quam Cancelariae Apostolicae literæ Sedis Apostolicae (quæ semper committuntur Vicariis Episcoporum, five beneficiales sint, five dispensationum matrimonialium, five continententes mandatum aliquod aliud ad gratiam. Rosa. loc. paulò post citand.) si ad regiones ultra montanas (puta ad Hispaniam, Galliam, Germaniam, Angliam, Polonię, Africam, &c.) dirigantur, semper inscribuntur Officiali, siue adhuc habetur terminus Officialis v. g. dilecto filio venerabilis Fratris nostri Episcopi Monasteriensis Officiali; vel simpliciter: Dilecto filio Officiali Monasteriensi. Literæ verò destinatae ad regiones Cismontanas v. g. (ut expresse Barbos. & Sbroz. loco paulò post citand.) ad Italię, Ungarię, Dalmatię, Albanię, Sclavonię, Cyprem, Cretam & partes Orientales, item Siciliam, Corsicam, Sardiniam, &c. destinantur, inscribuntur Vicario generali. v. g. Dilecto Filio Vicario venerabilis Fratris nostri Episcopi Bononiensis in spiritualibus Generali, &c. Barbos. Pirk. locis cit. Laym. in c. statutum. de rescr. in 6. n. 2. Rosa de Executoriib. liter. Apost. p. 1. c. 3. n. 22. Sbroz. l. 1. q. 2. n. 10. citans Gemin. in c. fin. de off. Vic. in 6. n. 5. Mandos. ad reg. 14. cancell. q. 6. n. 8. ex quo eodem Mandatio subiungit Sbroz. quod ista sit forma inscribendi literas, quæ prætermisla literæ seu Bullæ non careant suspicione falsitatis, uti pro hoc citat Cumchum institut. Juris can. de Vicar. tit. 8. num. 5. l. 2. Alphon. Carmon. tr. de incompat. benef. p. 1. c. 15. n. 1. Sic itaque apud nos termino Officialis intelligitur Officialis principalis, cui videlicet iurisdictione Episcopalis generatim tam quo ad causas, quam quo ad loca Dioecesis commissa est, qui apud nos, ut dictum, Vicarius in spiritualibus generalis appellari solet, Laym. loc. cit. Quod si verò in Dioecesi aliqua duo sunt Officialles æque principales, seu duo Vicarii generales concurrentes in ordinaria Episcopali sibi commissa iurisdictione, commissiones Apostolicae inscripta. Officiali utrique ex illis delegari possunt. Laym. ibidem juxta Gl. marginal. recept. v. principalis in Clem. 2. de rescr. Si verò plures sint Officialles Episcopi five Vicarii, unus in temporalibus, alter in spiritualibus, vel unus in certa parte Dioecesis, aut quod ad certas causas; alter generatim, tunc is solus tanquam principialis li-